

MIRZA ČELIK

ZASTUPNIK U SKUPŠTINI KANTONA SARAJEVO

**SKUPŠTINA KANTONA SARAJEVO**

Predmet: Prijedlog odluke o davanju saglasnosti Zavodu za izgradnju Kantona Sarajevo za prenos prava raspolaganja nad zemljištem, dostavlja se

U prilogu akta vam dostavljam Prijedlog odluke o davanju saglasnosti Zavodu za izgradnju Kantona Sarajevo za prenos prava raspolaganja nad zemljištem.

Predlažem da Skupština u skladu sa Poslovnikom Skupštine Kantona Sarajevo donese navedenu Odluku.



/Mirza Čelik/

MIRZA ČELIK

ZASTUPNIK U SKUPŠTINI KANTONA SARAJEVO

**Prijedlog**

ODLUKA  
O DAVANJU SAGLASNOSTI ZAVODU ZA IZGRADNJU  
KANTONA SARAJEVO ZA PRENOS PRAVA RASPOLAGANJA NAD  
ZEMLJIŠTEM

Sarajevo, februar 2016. godine

Na osnovu člana 18 (b) i 39. stav 2. Ustava Kantona Sarajevo /"Službene novine Kantona Sarajevo", broj: 1/96, 2/96-ispravka, 3/96-ispravka., 16/97, 14/00, 4/01 i 28/04/, člana 18. Zakona o građevinskom zemljištu („Službene novine Federacije BiH", broj: 67/05) i člana 9. Zakona o imovini Kantona Sarajevo („Službene novine Kantona Sarajevo", broj:6/97), Skupština Kantona Sarajevo na sjednici održanoj dana 2016.godine **Prijedlog**

## **O D L U K U**

### **O DAVANJU SAGLASNOSTI ZAVODU ZA IZGRADNJU KANTONA SARAJEVO ZA PRENOS PRAVA RASPOLAGANJA NAD ZEMLJIŠTEM**

#### **Član 1. (predmet odluke)**

Daje se saglasnost Zavodu za izgradnju Kantona Sarajevo za prenos prava raspolaganja – prava svojine bez naknade na zemljištu označenom kao k.č. br. 3478/4, 3286/8, 1846, 1847, 3474/10, 2288/10, 2288/7, 2289/7, k.o. Novo Sarajevo III novog premjera kojim odgovaraju parcele označene kao k.č. 422/232, 422,234, 422/188, 422/190, 422/192, 405/3, 441/10 k.o. Dolac po starom premjeru odnosno novoformiranih čestica nastalih cjepanjem naprijed navedenih, u korist MEDŽLISA ISLAMSKJE ZAJEDNICE SARAJEVO radi izgradnje vjerskog objekta džamije i mekteba sa stanom imama u ulici Bosanska bb "C" faza naselja Alipašino polje, a sve po odobrenju za izgradnju izdato od Općine Novi Grad Sarajevo, broj 06-360-181/08 od 05.05.1999. godine u cilju uplanjenja i uknjižbe izgrađenog objekta.

#### **Član 2.**

(prenos prava raspolaganja bez naknade)

Prenos prava raspolaganja – prava svojine na zemljištu naznačenom u članu 1. ove Odluke, vrši se bez naknade.

#### **Član 3.**

(stupanje na snagu Odluke)

Ova Odluka stupa na snagu danom donošenja, a ista će se objaviti u „Službenim novinama Kantona Sarajevo“.

**P R E D S J E D A T E L J I C A  
SKUPŠTINE KANTONA SARAJEVO**

Prof. Ana babić

Broj:  
Sarajevo,

## O B R A Z L O Ž E N J E

### I PRAVNI OSNOV:

Pravni osnov za donošenje Odluke o davanju saglasnosti Zavodu za izgradnju Kantona Sarajevo za prenosu prava raspolaganja zemljištem - bez naknade su regulisane članom 18.(b) i 39. stav 2. Ustava Kantona Sarajevo („Službene novine Kantona Sarajevo”, br. 1/96, 2/96-ispr., 3/96-ispr., 16/97, 14/00, 4/01 i 28/04), članom 9. Zakona o imovini Kantona Sarajevo („Službene novine Kantona Sarajevo”, broj 6/97) i članom 11., 12., 16. stav I. i 18. Zakona o građevinskom zemljištu ("Službene novine Federacije BiH", broj 67/05).

Shodno članu 18.(b) i 39. stav 2. Ustava Kantona Sarajevo, Skupština Kantona Sarajevo - donosi zakone i druge propise u okviru izvršavanja nadležnosti Kantona i Skupština Kantona upravlja imovinom Kantona.

Prema članu 9. Zakona o imovini Kantona Sarajevo - Skupština može posebnim propisom prenijeti prava vlasništva na druga pravna lica u skladu sa zakonom.

U skladu sa članom 11. Zakona o građevinskom zemljištu (u daljem tekstu: Zakon) regulisano je da se gradskim građevinskim zemljištem u državnom vlasništvu može raspolagati samo na način i pod uslovima propisanim ovim zakonom i propisima donesenim na osnovu ovog zakona, te da (prema članu 12. i 16. Zakona) gradsko građevinsko zemljište određuje općinsko vijeće za zemljište za koje je donesen prostorni ili urbanistički plan prema kome će se izgradnja i uređenje zemljišta koja je predviđena srednjoročnim planom općine, u cjelini ili većim dijelom izvršiti najkasnije u roku od pet godina.

Prema članu 18. Zakona o građevinskom zemljištu - privredno i drugo pravno lice može prenijeti neizgrađeno gradsko građevinsko zemljište radi privođenja trajnoj namjeni predviđenoj odgovarajućim planom, samo na općinu bez naknade ili uz naknadu samo do visine vrijednosti ulaganja u zemljište koje se prenosi.

### II RAZLOZI ZA DONOŠENJE ODLUKE:

Na osnovu građevinske dozvole broj 06-360-181/08 od 05.05.1999. godine potrebno je izvršiti dodjelu zemljišta navedenog u Odluci kako bi se nastavilo sa izgradnjom džamije na Alipašinom polju

Shodno naprijed navedenom, predlaže se Skupštini Kantona Sarajevo da donese Odluku kao u prijedlogu.

### III FINANSIJSKA SREDSTVA

Za provođenje ove Odluke nije potrebno osigurati finansijska sredstva.